

# **Aningaasaatikillioortut**

Piffissami 2012-imit 2016-imit

## **Imarisai**

1. Aallaqqaasiut .....	3
2. Naatsorsuinermi periaatsip nassuiarnera .....	4
3. Misissuinerup inerneru .....	10

## 1. Aallaqqaasiut

Saqqummersitami pineqartumi Kalaallit Nunaanni aningaasaatikiillortutut taaneqarsinnaasut saqqummiunneqarput. Pingaarnertut isiginiarneqarput ukioqqortussuseq, suaassuseq, ilaqutariit aammalu sumiiffik najugaqarfusoq. Qallunaat paasisimasallit ataatsimiitsitaliaannit piitsuussusermut suliaq tunngavigalugu agguaqatigiissillugu isertitanut misissuineq suliarineqarpoq. Politikikkut piitsuussutsimut killigititamik aalajangiisoqarnikuunnginnera ersersinniarlugu Kalaallit Nunaanni misissuinermi pineqartut piitsutut taaneqanngillat aningaasaatikiillortulli taaneqarlutik.

### Saqqummersitap ilusilersornera

Saqqummersitap immikkoortuata aappaani misissuinermit tunngaviusoq pingaarnersiorneqarpoq. Qallunaat paasisimasallit ataatsimiitsitaliaannit piitsuussutsimut suliaq tunngavigineqarpoq<sup>1</sup>. Naatsorsueqqissaartarfiup qallunaat periaasiannik allaanerusumik atugaqarluni misissuiffigisimasaani isumaliutersuutit pingaarnertut naatsumik nassuiarneqarput.

Immikkoortut pingajuanni kalaallinut misissuinermi inernerit suliarineqarput. Inuit aningaasaatikiillortutut taaneqarsinnaasut amerlassusaat kisitsisini saqqummiunneqarput ilaqutariinnut, ukioqqortussutsinut, suaassutsinut sumiiffinnilu najugaqarfiusunut immikkoortiterlugit.

Pineqartoq aningaasaatikiillortutut inissisimasutut taaneqarpoq ukiut pingasut ingerlanerini isertitat killissarititami appasinnerusumik inissisimappata. Aningaasaatikiillortutut killigititaasoq aalajangiussa, isertitat annertussusiisa agguaqatigiissinnerini 50 aammalu 60 pct.-ianni imaluunniit ataallugu inissisimapput.

### Naatsorsuutininik allanit assigiinngissutsit

Naatsorsueqqissaartarfiup isertitanut kisitsisitigut paasissutissaataani piffissani tulleriaani nunat assigiinngitsut akornanni isertitat nikingassutaannut naatsorsuutininut tunngasut saqqummiuneqareerput<sup>2</sup>.

Gini-koefficienti, piitsuussuseq allanut naleqqiullugu (Risk of Poverty-rate) aammalu ratio 80/20 assigiinngitsuupput pingasut aningaasaqarnermut nikingassutsimut naatsorsuutaasartut, assigiinngitsunik sammiveqarlutik isertitat nikingassutaanik nassuiaasut.

Naatsorsuutit pingasut tamarmik immikkut isertitat nikingassutaanik nassuiaateqarput.

- Gini-koefficienti isertitat tamakkerlugit nikingassutaanik naatsorsuutaavoq,
- allanut naleqqiullugu piitsuussutsinut naatsorsuutini (at-Risk of Poverty-rate) isertitat annikinnerpaat sammiveqarput aammalu
- ratio 80/20-mi naatsorsuutini isertitat annertunerpaat annikinnerpaallu inissisimanerat nassuiarneqarluni.

<sup>1</sup> Ekspertudvalg for fattigdom, 2013. En dansk fattigdomsgrænse – analyser og forslag til opgørelsesmetoder.

<sup>2</sup> Naatsorsueqqissaartarfik, 2016. 2016-imi isertitat.

Saqqummersitap saniatigut Naatsorsueqqissaartarfik tabelinik immikkoortunik inoqutigiinni meerartaqartuni isertitat agguataarnerinut ersersitsisunik isertitanut kisitsisitigut paasissutissani saqqummersitsivoq.

### **Saqqummersitsinermi aammalu saqqummertussani tulliuttuni tunngaviusut**

Aningaasaqarnermut Inatsimmit 2015-imeersumit Naatsorsueqqissaartarfik annertunerusumik aningaasaliiffiqineqarpoq, ilaatigut *aningaasaqarnikkut ajornerusumik inissisimasut* kisitsisitigut paasissutissaannik suliaqarnissamut aningaasaliisussamik.

Saqqummersitaq ukiumut ataasiarluni Naatsorsueqqissaartarfimmi isertitanut kisitsisitigut paasissutissanut ilassutaalluni saqqummersinneqartarpoq.

Aningaasaatikillioortut pillugit saqqummersitaq ukiut aappasaat saqqummersinneqarpoq. Aappariilertarnerit, ataataasutut nalunaarsuinerit allallu pissutigalugit ilaqutariit pillugit paasissutissat ukiumut ataasiarlugit iluarsaaneqartarput. Aningaasaatikillioortut pillugit paasissutissanut tunngaviulluortut, inunnik isumaginninnermut, ilinniartitaanermut aamma isertitanut paasissutissat ilaatigut aamma iluarsaaneqartarput. Taamaattumik saqqummersitami uani kisitsisit piffissami 2011-miit 2016-imut paasissutissat iluarsaaneqarmata decembarimi 2016-imi saqqummersitamit “2011-miit 2015-imut aningaasaatikillioortut”-nit inernerit nikingassuteqarsinnaapput.

### **Kisitsisaataasivik**

Kisitsisaataasivimmi kisitsisinik nammineq toqqartukkanik soorlu najukkanut, ukiunut, suaassutsinut aammalu piffissanut uuttuutit katiternerisigut aallertoqarsinnaavoq. Kisitsisaataasivimmi kisitsisit 2011-miit pissarsiarineqarsinnaapput.

## **2. Naatsorsuineri periaatsip nassuiarnera**

### **Nassuiaatit aammalu atornissaannut piareersarnerat**

Naatsorsueqqissaartarfiup qallunaat paasisimasallit ataatsimiitsitaliaannit piitsuussutsimut suliami nassuiaatit atorpai. Aningaasaatikillioortuuneq ima nassuiarneqarpoq:

*”Pineqartoq imaluunniit ilaqutariit malunnartumik ajornakusoornerusumik inunnut allanut sanilliullugit inuunermi atugaqartuupput, atugarisallu pissakillioormik pissuteqarput, pingaartumik aningaasaqarnikkut. Ataavartumik aammalu pineqartoq ilaqutariilluunniit periarfissaqanngillat imaluunniit killilimmik namminneq kajumissutsimik atugarisat allanngortinnissaannut periarfissaqarput.”<sup>3</sup>*

---

<sup>3</sup> Ekspertudvalget for fattigdom, 2013. En dansk fattigdomsgrænse – analyser og forslag til opgørelsesmetoder, qupp. 7

Aningaasaatikillioortunut nassuiaat qallunaatut piitsuussutsimut killigititanut nassuiaat aallaavigalugu atorneqarpoq. Nassuiaatilli atornera qallunaatuumiit allaanerussuteqarpoq, misissuinermi nalunaarsuutit Kalaallit Nunaanni tigussaasut, inatsiseqarnikkullu assigiinngissutsit pissutigalugit naatsorsuutillu ajornaatsuutinniarlugit.

Kalaallit Nunaanni aningaasaatikillioortut misissornerini uku peqataatinneqarput:

- Pineqartoq ukiuni tulleriinni pingasuni isertitanut killigitamit appasinnerusumik atoriaannarnik isertitaqarsimappat
- Pineqartoq meeqqat atuarfiannit qaffasinnerusumi ilinniartuunngippat imaluunniit ilaqutariinni inersimasoq meeqqat atuarfiannit qaffasinnerusumik ilinniakkamik ingerlatsinngippat.<sup>4</sup>
- Pineqartoq Utoqqaat Illuanni, plejehjemimi imaluunniit innarluutilinnut inissiisarfimmi najugaqartutut allassimannngippat.

Ataani tunngavigineqartut itisilerneqarput:

#### **Isertitanut nassuiaat**

Ukiumut isertitat atoriaannaat (isertitat akileraaruseriikkat aammalu isumaginnittoqarfimmit nuussinerit ilanngullugit) aallaavigalugit aningaasaatikillioorneq aalajangerneqarpoq. Piffissami atuinissamut periarfissiisuni isertitat atoriaannaat naatsorsuisinnaanermut periarfissiipput.

Isertitat atoriaannaat atuisinnaanermut tamakkiisumik periarfissiinngillat. Pingaartumik inuiaqatigiinni minnerusuni nalilersorneqarpoq aningaasaqarnermut aalisarneq piniarnerlu pingaaruteqartuusut. Saniatigut pisortat ikiorsiissutinik aaqqissuusaqarput atuisinnaanermut sunniuteqartunik isertitanulli atoriaannarnut ilanngullugit kisitaanngitsunik. Assersuutigalugu taaneqarsinnaapput isumaginninnikkut ulluunerani paaqqinniffinni akiligassaannngitsumik inissaqartitaanerit aammalu namminerisamik ineqarnermi tapiissutit attartortakkani ineqarnermut tapiissutinut sanilliullugit isertitanut atoriaannarnut naatsorsukkanut ilanngullugit kisitaanngitsut.

Ilaqutariit aningaasaatikillioortut amerlanertigut Pisortanit ikiorsiissutit pillugit Inatsisartut peqqussutaat nr. 15, 20. november 2006-imeersoq tunngavigalugu ikiorserneqartarput. Inatsit malillugu ikiorsiisarnemi pisortani allaffissormikkut aammalu nalunaarsuinermi periaatsit assigiinngitsut ilaqutariit akornanni aammalu pisortanit ulluunerani ornittakkanut, eqqagassalerinermut il.il. atatillugit ilaqutariit ataasiakkaat isertitaannut nalunaarsorsimasunut sunniuteqarsinnaapput.

---

<sup>4</sup> Ilaqutariinnermut nassuiaatip eqikkarneqarneranut Naatsorsueqqissaatarfiup 1994-imit 2016-imut ilaqutariit kisitsisitigut paasisutissaannut saqqummersitaa innersuussutigineqarpoq.

Taamatuttaaq meeqqanut akilersuutit tiguisussap inuuniarneranut sunniuteqarsinnaapput. Akilersuutit A-nik tunniussisarneq meeqqap isertitaanut nalunaarsorneqartanngilaq taamatullu ilaqutariit isertitaannut kisitsinermi ilaatinneqarani. Akilersuutit nalinginnaasoq meeqqamut ataatsimut ukiumut 12.000 kr.-inik annertussuseqarpoq.

### **Ilaqutariit, inoqutigiit aammalu naligiissitsineq**

Isertitat uuttuutit tulluarsarlugit aningaasartuutit annerusunut soorlu ineqarnermut akiliummut, imermut, kallerup inneranut, kiassarnermut, sillimmasiinermut, nerisassanut il.il. naatsorsorneqarput.

Naatsorsueqqissaartarfik ilaqutariit kisitsisitigut paasissutissaannik suliaqarnikuuvoq, tassani inoqutigiit akornanni eqqarleriinnermut atassuteqarnerit aallaavigalugit inoqutigiit ilaat ilaqutariinnut arlalinnut immikkoortiterneqarput.

Isertitanut kisitsisitigut paasissutissani inuit inoqutigiillu isertitaannik misissuinermit imaqartartup akerlianik misissuinermit matumani ilaqutariit isertitaat aallaavigineqarput.

Kialluunniit inuttaasup inuit nalunaarsuiffiannut ulloq unnuarluni sumi uninngaveqarnerluni nalunaarutigissavaa. Taamaattoq inuit najugaqarnermut paasissutissai kukkuneqanngivissortuunngillat.

Pineqartut ukiup naalernerani ilaqutariinnut attaveqarfigisimasaannut isertitaat atassusigaapput. Piffissaq ilaqutariinnut naatsorsuiffigineqartoq misissuinerup inernerinut sunniuteqarsinnaavoq. Assersuutigalugu pineqartut ukiup ingerlanerani angerlarsimaffimmit nuussimasut avissimasulluunniit ilaqutariinni allanngortoqarnerup kingunerisaanik isertitakitsutut misissuinermit ilaapput, ukiup annerpaartaani ilaqutariinni isertitakkaani ilaasimagaluarlutik.

Isertitat nalilersornerini ilaqutariit annertussusaat katitigaanerallu aallaavigineqarput (isertitat naligiissinnerat). Ilaqutariit ataatsimut aningaasaqartuunerat aammalu angerlarsimaffimmi annertuunik ingerlatsinermit atuinermit iluaqutissartaqarnera pissutigalugu. Ilaqutariit isertitaat isertitanut kisitsisitigut paasissutissalerinermit OECD-p malittarisassai malillugit isertitat naligiissinneqarput.

Isertitat naligiissinnerat ilaqutariit tamakkiisumik isertitaat ilaqutariit katitigaanerisa uuttuutaannik naleqqussakkamik agguarneqarluni kisinneqarpoq. Ilaqutariinni inersimasooq siulleq (14 sinnerlugit ukiulik<sup>5</sup>) 1-imik uuttuuteqarpoq. Inersimasut allat tamarmik immikkut 0,5-imik uuttuuteqarput meeqqallu tamarmik immikkut 0,3-mik uuttuuteqarlutik. Taamaasilluni ilaqutariit immikkut tamarmik naligiissitsinermit uuttuutaat katillugit kisinneqarput. Ilaqutariit marlunnik inersimasortallit pingasunillu meerartallit  $1 + 0,5 + 0,3 + 0,3 + 0,3 = 2,4$ -imik naligiissitsinermit

---

<sup>5</sup> OECD-mi malittarisassat malillugit inersimasut tassaapput minnerpaamik 14-inik ukiullit, meeqqallu tassaallutik 14-it inorlugit ukiullit. Malugeqquneqarpoq nassuiaat una isertitat naligiissinneranut taamaallaat atornerqarmat. Allani meeqqanut inersimasunullu ukiunut killigitat ilaqutariit kisitsisitigut paasissutissaanni killigitat atornerqarput.

uuttuuteqarput. Ilaqutariinni isertitat 300.000 koruuniusimappata isertitat naligiissinnerat 300.000 kr./2,4 = 125.000 koruuniusimassapput inersimasup kisimiittut isertitaanut sanilliunneqarsinnaalluni.

### **Isertitanut killissarititami appasinnerusut**

Isertitanut killissarititami appasinnerusiq qallunaat misissuineranni inuit isertitaasa atoriaannaat agguaqatigiissinneranni 50 pct.-iannut aalajangersimavoq. Agguaqatigiissinnerat tassaavoq isertitat annertussusiisa qaffasissusaanni qeqqaniittoq, affaani inuit isertitaqarnerusut aammalu affaani inuit isertitakinnerusut inissisimapput.

Aningaasaatikillioortutut taaneqassagaanni isertitat ukiuni tulleriini pingasuni isertitanut killissarititami appasinnerusiq ataallugu ukiuni pineqartuni inissisimasariaqarput.

Isertitanut kisitsisitigut paasissutissat malillugit<sup>6</sup> Kalaallit Nunaat Danmarkimit naligiinnginnerusunik isertitaqarpoq aamma isertitat agguaqatigiissillugit isertitat appasinnerupput. Taamaattumik kalaallinut killigititaasup isertitat agguaqatigiissinnerini 50 pct.-imik qaffasinnerunissaa tunngavilersuutigineqarpoq. Tamannalu tunngavigalugu isertitat agguaqatigiissinnerini 50 aammalu 60 pct.-it killigitat assigiinngitsut marluk suliarineqarput.

Kalaallit Nunaanni misissuinermi isertitat tamakkiisut agguaqatigiissinnerat ukiunut pineqartunut immikkut kisinneqarput, qallunaat misissuineranni allanngorannerit assigiissaarniarlugit ukiuni pingasukkaanni isertitat agguaqatigiissinnerisa akerlianik. Periaaseq piuminarsarniarlugu kalaallinut periaaseq toqqarneqarpoq aammalu ingerlaannartumik agguaqatigiissitsineq piffissami ingerlasumi isertitakitsut amerlassusaannut malunniuteqanngitsutut nalilerneqarmat.

### **2.1 2012-imit 2016-imut misissukkat isertitat agguaqatigiissinnerisa qeqqani inissisimasut**

	2012	2013	2014	2015	2016
	1000 kr.				
Ilaqutariit isertitaat atoriaannaat naligiissitat	135.850	138.812	138.311	145.365	152.406

Nassuiaat: Ukiuni pingasuni isertitani pineqartuni ukiuni kingullermi isertitat agguaqatigiissinneqarput.

### **Pisuussutit**

Qallunaat misissuineranni pineqartut 100.000 koruunit sinnerlugit pisuussutillit (2010-minngaanneersut) piitsutut taaneqanngillat. Massakkuugallartoq Naatsorsueqqissaartarfik nalunaarsuutinik tulluurtunik inuit pisuussutaannut tunngasunik eqqortunik suliaqarnissamut periarfissaqanngilaq, tunngavigineqartorlu tamanna kalaallinut misissuinermi ilanngunneqanngilaq. Tunngavilersuutip ilanngunneqannginnera misissuinerup inernerinut annerusumik malunnaateqannginnera

<sup>6</sup> Naatsorsueqqissaartarfiup saqqummersitaa "2016-imi isertitat" takuuk.

naatsorsuutigineqarpoq, ilaqutariit ataatsikkut isertitakitsut annertuunillu pisuussutillit arlaqanngissorineqarmata.

### **Ulloq unnuarlu paaqqinniffinni najugallit**

Utoqqaat illuini, plejehjemini aammalu innarluutilinnut inissiisarfinni ineqartut pingaartumik utoqqalinermi aammalu siusinaartumik soraarnerussutisiaqartuusarput. Inatsimmi aalajangersimavoq soraarnerussutisiallit ulloq unnuarlu paaqqinniffinni najugaqartut soraarnerussutisiat tunngaviusut 20 pct.-ii kaasarfimmiutut tunniunneqartassasut sinneruttullu ineqarnermut akiliutitut uninngatinneqartassasut.

Ulloq unnuarlu paaqqinniffinni najugaqartut isertakitsuusarnerat pissutaalluni nerisaqarnermut ineqarnermullu akiliineq ajorput. Misissuinermilu matumani pineqartut piffissami misissuiffiusup naanerani inissiisarfimmi ineqartut ineqarsimasulluunniit aningaasaatikillioortut misissukkat annertussusaanut kisitsinermi ilaatinneqanngillat. Taakkununga ilaapputtaaq meeqqanut inuusuttunullu ulloq unnuarlu paaqqinniffinni najugaqartut aamma 18-it sinnerlugit ukioqarsinnaasut, inuiaqatigiinnut ikaarsaarnissamut piareersarneq imaluunniit inissanik neqeroorutinik amigaateqarneq pissutigalugu ulloq unnuarlu paaqqinniffinniittut.

Ulloq unnuarlu paaqqinniffinni najugaqartut adressi malillugu uppernarsarneqarput. Pineqartut ulloq unnuarlu paaqqinnittarfiup adressia atorlugu kaasarfimmiulerneqartartut paaqqinniffinnili najugaqanngitsut ilaatigut naammattuugassaapput. Taamaattoqartillugu pineqartoq inoqutigiinni najugaqartutut naatsorsorneqartarpoq.

### **Ilinniartut**

Inuit meeqqat atuarfiannit qaffasinnerusuni ilinniartut aammalu inuit inersimasunik meeqqat atuarfiannit qaffasinnerusumit ilinniakkanik ingerlataqartunik ilaqutaqartut, aningaasaatikillioortut kisitsinermi tunngavilersuutinik naammassinnikkaluarpataluunniit misissuinermi ilaangillat. Killiliineq tamanna toqqarneqarpoq aningaasaqarnikkut inissisimaneq namminerisamik qinikkatut aammalu ataavartuunngitsutut isigineqarnera pissutigalugu.

Inuk ilinniartutut naatsorsuutigineqarpoq pineqartoq piffissap misissuiffiusup naanerani Naatsorsueqqissaartarfiup ilinniartunut ingerlatsisunut nalunaarsuiffiani ISCED-imi qaffasissuseq 3, imaluunniit taanna qaangerlugu ilinniartutut nalunaarsorsimappat.

### **Meeqqat pingasut ataallugit ukiullit**

Suleriaaseq malillugu piffissami misissuiffiusumi inuit pingasunik ukioqalersimannngitsut ukiuni pingasuni Kalaallit Nunaanni najugaqarsimannngillat. Taamaattumik tunngavilersuutit malillugit ilaqutariinni aningaasaatikilliornermi inissisimasoqartillugu meeqqat pingasut ataallugit ukiullit aningaasaatikillioortutut naatsorsuutigineqartarput.



### Meeqqat angajoqqaaminni najugaqanngitsut

Meeqqat minnerpaamik angajoqqaani ataaseq najugaqatiginngippagu meeqqat angajoqqaamini najugaqanngitsunut naatsorsuutigineqarpoq. Meeqqat angajoqqaaminni najugaqanngitsut tassaagajunnerupput meeqqat ilaqtaminni allani najugallit, ilaqtariinni ilasiaasut, isumaginninnikkut inissiisarfinni najugallit imaluunniit kollegiani najugallit. Meeqqat ilinniarnerminnut atatillugu angajoqqaaminni najugaqanngitsut aammalu meeqqat isumaginninnikkut inissiisarfinni najugallit amerlanertigut misissukkanut ilaatinneqanngillat qulaani taaneqareersutut ilinniartunut aammalu meeqqanut isumaginninnikkut inissiisarfinni najugalinnut tunngavilersuutit peqqutigalugit. Taamatullu meeqqat angajoqqaaminni najugaqanngitsut sinneruttut misissuinermi ilaatinneqanngillat Naatsorsueqqissaartarfiup inunnut nalunaarsuiffiani paasissutissat ullumikkut atuuttut malillugit aningaasaqarnikkut inuunermi atugaat nalilersorneqarsinnaanngitsutut isigineqarmata.

### Misissukkat amerlassusaat

Misissuinermi anguniakkat pingaarnerit ilagaat aningaasaatikiillortut agguaqatigiissinnerisa ineriartornerat nakkutigissallugu. Aningaasaatikiillortut amerlassusaannik naatsorsuinerup saniatigut pingaartuuvoq misissukkat amerlassusaat toqqassallugu, tassaasoq aningaasaatikiillortut amerlassusaat tabel 2.2. malillugu takuneqarsinnaasoq.

### 2.2 2012-imit 2016-imut misissukkat ilaatinneqanngitsut amerlassusaat aammalu pissutaasut

	2012	2013	2014	2015	2016
Ilaaitaagallartut	56.370	56.282	55.983	55.847	55.860
Ukioq naallugu Kalaallit Nunaanni najugaqarsimanninnermi ilaatinneqanngitsut	1.745	1.689	1.785	1.833	2.019
Piffissaq misissuiffiusoq tamakkerlugu Kalaallit Nunaanni najugaqarsimanninnermi ilaatinneqanngitsut	2.530	2.379	2.245	2.382	2.428
Isumaginninnikkut inissiisarfinni najugaqartut ilaatinneqanngitsut	814	852	899	907	903
Ilinniartut taakkulu ilaqtataat ilaatinneqanngitsut	4.743	4.679	4.873	4.870	4.785
Baseniittut stationiniittullu ilaatinneqanngitsut	136	114	100	80	76
Meeqqat angajoqqaaminni najugaqanngitsut ilaatinneqanngitsut	775	809	773	742	744
Ilaqtariinni isertitanganngitsut ilaatinneqanngitsut	171	223	255	273	201
Misissukkat amerlassusaat	45.456	45.537	45.053	44.760	44.704

Misissukkat amerlassusaanni pineqartut tamarmik Kalaallit Nunaanni inuit nalunaarsuiffianni najugaqartutut nalunaarsorsimasut aammalu meeqqat pingasut inorlugit ukiullit inuunertik tamaat Kalaallit Nunaanni inuit nalunaarsuiffianni nalunaarsorsimasut tunngavigineqarput. Pineqartut najugaqarnermut tunngavigineqartunut taaneqareersunut inuit nalunaarsuiffianni 1. januaarimit najugaqartutut nalunaarsukkanit misissorneqarput. Piffissap ilaani ukiut marluk nikinneranni Kalaallit Nunaanni aallaqqasimasut, imaluunniit Kalaallit Nunaata avataani inunngorsimasut aammalu 1. januaari tikitsinnagu Kalallit Nunaannut nuussimasut misissuinermit ilaatinneqanngillat. Taaneqareersutulli inuit ukioq naallugu Kalaallit Nunaanni akileraartartuusimannngitsut ilaatinneqanngillat.

Piffissamilu misissuiffiusumi Kalaallit Nunaanni aalajangersimasumik najugaqarsimanngitsut saniatigut piffissap misissuiffiusup naanerani kommunit avataanni najugaqarsimasut ilaatinneqanngillat, aammalu kommunit iluanni illoqarfimmi, nunaqarfimmi imaluunniit savaateqarfimmi najugaqartutut nalunaarsorsimanngitsut ilaatinneqanngillat. Tassani assersuutigalugu najugaq stationiusinnaavoq.

Taamatuttaa inuit qallunaatut innuttaassuseqanngitsut aammalu Savalimmiuni inunnorsimasut ilaqutariinni isertitaqarsimanngitsutut nalunaarsimasut imaluunniit misissuinerup ukiuani kingullermi isertitaqarsimanngitsut ilaatinneqanngillat. Taaneqartoq kingulleq inunnik Kalaallit Nunaanniit nuussimasunik kinaassusersiiniarluni misissuinerumi ingerlanneqarpoq, inunnilli nalunaarsuisarfimmi nalunaarsorneqarneri kingusinaarsinnaapput.

Naggataagullu ilinniartunut, isumaginninnikkut inissiisarfimmi najugaqartunut aammalu meeqqamut angajoqqaaminni najugaqanngitsunut qulaani tungavilersuutit tunuliaqutaralugit piffissap misissuiffiusup naanerani inuit inissisimaffiat malillugit ilanngunneqanngillat.

### **3. Misissuinerup inerneru**

Immikkoortumi matumani misissuinerup inerneru tabelinngorlugit saqqummiunneqarput. Tabelini takuneqarsinnaapput inuit amerlassusaat isertitat agguaqatigiissinnerini 50 pct.-iat ataallugu inissisimasut inuit amerlassusaat uuttuutitut aammalu procentinngorlugit immikkoortiterneri. Aningaasaatikillioortut pillugit naatsorsuutitut annertunerusunut, matumani isertitat agguaqatigiissinnerini killigitap 60 pct.-iat ataallugu inissisimasunut Naatsorsueqqissaartarfiup Kisitsisaataasivia: [bank.stat.gl](http://bank.stat.gl) innersuussutigineqarpoq, tassani tabelinik annertunerusunik aallersinnaaneq periarfissaavoq.

Isertitat agguaqatigiissinnerisa ataani inissisimasut amerlassusaat nikerarsinnaavoq, tamanna Kalaallit Nunaanni innuttaasut ikittunnguunerannik aammalu taakku ingerlaartarnerinik peqquteqarpoq. Tamanna ersarinnerulertarpoq misissukkanut uuttuutit ersarinneruleriartornerini. Taamaattumik ukiuni allannguutit ataasiakkaat tungavigalugit annertuumik inerniliisarnissaq mianersuussassaavoq.

#### **3.1. Aningaasaatikillioortut ukiuinut immikkoortiterlugit**

Aningaasaatikillioortut naatsorsussagaanni ukiut pingasut ingerlanerini ilaqutariit isertitaat killissarititami appasinnerussapput. Ukiuni taaneqartuni ukiut pingasut ingerlanerini ukiup naanerini kisitsisit atuuttuupput. 2016-imi misissukkat 4 pct.-ii isertitat agguaqatigiissinnerisa 50 pct.-iat ataallugu ukiumut atoriaannarnik isertitaqarsimapput. Aningaasaatikillioortut agguaqatigiissillugu annertunerpaat 15-24-t akornanni ukioqartuupput.

### 3.1 2012-imit 2016-imut aningaasaatikiillortut isertitat agguaqatigiissinnerani 50 pct.-it ataallugit isertitalit amerlassusaat agguaqatigiissinnerilu, ukiut immikkoortiterneru malillugit

Ukiut	2012	2013	2014	2015	2016	2016
	Agguaqatigiissinneri					Amerlassusaat
0-iiit 4-nut	7	7	6	6	6	189
5-iiit 9-nut	3	4	4	4	4	118
10-iiit 14-inut	3	3	2	3	2	70
15-iiit 19-inut	5	5	5	6	6	123
20-iiit 24-nut	7	7	6	7	7	200
25-iiit 29-nut	6	6	7	7	8	239
30-iiit 34-nut	4	4	5	5	5	140
35-iiit 39-nut	2	2	3	3	4	98
40-iiit 44-nut	2	3	2	2	2	49
45-iiit 49-nut	3	3	3	3	3	97
50-iiit 54-inut	2	2	3	2	2	112
55-iiit 59-inut	2	2	2	3	2	92
60-iiit 65-inut	2	2	2	2	2	46
65-iiit 69-inut	0	0	1	1	0	5
70-iiit 74-inut	0	0	0	0	0	5
75-it qummullu	1	1	1	1	0	4
<b>Katillugit</b>	<b>3</b>	<b>3</b>	<b>3</b>	<b>4</b>	<b>4</b>	<b>1.587</b>

Najoqutaq: <http://bank.stat.gl/SONOU01>

**3.2. Aningaasaatikiillortut immikkoortortaqaqfinnut immikkoortillugit**  
2016-imi aningaasaatikiillortut agguaqatigiissinnerinini immikkoortortaqaqfiit  
Tasiilaq, Qaanaaq aamma Upernavik agguaqatigiissillugu annertunerpaanik  
50 pct.-it ataallugit isertitaqartuusimapput.

### 3.2. 2012-imit 2016-imut aningaasaatikiillortut isertitat agguaqatigiissinnerani 50 pct.-it ataallugit isertitalit amerlassusaat agguaqatigiissinnerilu, immikkoortortaqaqfinnut immikkoortiterlugit

Immikkoortortaqaqfik	2012	2013	2014	2015	2016	2016
	Agguaqatigiissinneri					Amerlassusaat
Nanortalik	5	5	6	5	4	67
Qaqortoq	3	3	3	3	3	69
Narsaq	3	4	4	4	4	51
Paamiut	1	1	2	2	2	25
Nuuk	2	2	2	2	3	325
Maniitsoq	2	2	2	3	3	79
Sisimiut	3	3	2	2	2	100
Kangaatsiaq	10	7	5	7	6	67
Aasiaat	3	4	3	4	4	88
Qasigiannuguit	2	3	2	2	1	10
Ilulissat	2	2	2	2	2	83
Qeqertarsuaq	1	1	1	1	2	13
Uummannaq	2	1	2	1	2	49
Upernavik	7	7	8	9	9	231
Qaanaaq	9	9	10	10	9	60
Tasiilaq	9	10	11	11	11	256
Ittoqqortoormiit	3	6	3	5	4	14
<b>Katillugit</b>	<b>3</b>	<b>3</b>	<b>3</b>	<b>4</b>	<b>4</b>	<b>1.587</b>

Nassuiaat: Ivittuut Nuummumt ilaavoq

Najoqutaq: <http://bank.stat.gl/SONOU02>

### 3.3. Aningaasaatikillioortut illoqarfinnut nunaqarfinnullu immikkoortillugit

Illoqarfinni nunaqarfinnilu aningaasaatikillioortut isertitat agguaqatigiissinnerini 50 pct.-imiittut assigiinneqaaat. 2016-imi nuna tamakkerlugu illoqarfinni aningaasaatikillioortut agguaqatigiissinnerat 3 pct.-iuvoq, nunaqarfinnilu savaateqarfiit ilanngullugit, 8 pct.-iulluni.

### 3.3. 2012-imit 2016-imut aningaasaatikillioortut isertitat agguaqatigiissinnerini 50 pct.-it ataallugit isertitalit amerlassusaat agguaqatigiissinnerilu, illoqarfinnut nunaqarfinnullu immikkoortiterlugit

	2012	2013	2014	2015	2016
	Amerlassusaat				
Illoqarfiit .....	1.019	1.042	1.005	1.083	1.060
Nunaqarfiit .....	497	505	495	529	527
<b>Katillugit .....</b>	<b>1.516</b>	<b>1.547</b>	<b>1.500</b>	<b>1.612</b>	<b>1.587</b>
	Agguaqatigiissinneri				
Illoqarfiit .....	3	3	3	3	3
Nunaqarfiit .....	7	7	7	8	8
<b>Katillugit .....</b>	<b>3</b>	<b>3</b>	<b>3</b>	<b>4</b>	<b>4</b>

Nassuiaat: Savaateqarfiit nunaqarfinnut ilaapput

Najoqutaq: <http://bank.stat.gl/SONOU02>

### 3.4. Inersimasut aningaasaatikillioortut ilaqutariit qanoq ittuunerinut immikkoortillugit

Inersimasut kisermaat imaluunniit aappariit aningaasaatikillioortut immikkoortinneqarsinnaaneri ilaqutariit kisitsisitigut paasisuttissaasa ajornarunnaarsippaat. Saniatigut ilaqutariit meeqqat inuusuttullu angajoqqaaminni najugallit amerlassusaat malillugit immikkoortiterneqarsinnaalerput. Tabel 3.4.-mi takuneqarsinnaavoq inersimasut kisermaat, inersimasunut aappariinnut sanilliullugit, agguaqatigiissinnerini annertunerpaallutik aningaasaatikillioortutut taaneqarsinnaasut.

### 3.4. 2012-imit 2016-imut aningaasaatikillioortut amerlassusaat agguaqatigiissinnerilu, ilaqutariit qanoq ittuunerinut aamma meeqqat inuusuttullu angajoqqaaminni najugallit amerlassusaannut immikkoortillugit

	2012	2013	2014	2015	2016
Amerlassusaat					
Kisermaat meeraqanngitsut .....	692	742	756	824	852
Kisermaat ataatsimik meerallit .....	121	122	112	111	130
Kisermaat ataatsimit amerlanerusunik meerallit .....	75	74	60	78	64
Aappariit meeraqanngitsut .....	45	59	59	51	31
Aappariit ataatsimik meerallit .....	46	25	31	28	17
Aappariit ataatsimit amerlanerusunik meerallit .....	66	70	63	59	63
<b>Katillugit</b> .....	<b>1.045</b>	<b>1.092</b>	<b>1.081</b>	<b>1.151</b>	<b>1.157</b>
Agguaqatigiissinneri					
Kisermaat meeraqanngitsut .....	6	7	7	7	7
Kisermaat ataatsimik meerallit .....	8	9	8	8	9
Kisermaat ataatsimit amerlanerusunik meerallit .....	8	8	6	8	7
Aappariit meeraqanngitsut .....	1	1	1	1	0
Aappariit ataatsimik meerallit .....	1	1	1	1	0
Aappariit ataatsimit amerlanerusunik meerallit .....	1	1	1	1	1
<b>Katillugit</b> .....	<b>3</b>	<b>3</b>	<b>3</b>	<b>4</b>	<b>4</b>

Najoqquataq: <http://bank.stat.gl/SONOU04>

### 3.5. Meeqqat inuusuttullu aningaasaatikillioortut ilaqutariit qanoq ittuunerinut immikkoortillugit

Taamatuttaaq ilaqutariit kisitsisitigut paasissutissaasa meeqqat inuusuttullu aningaasaatikillioortut inersimasumik imaluunniit inersimasunik aappariinnik najugaqateqartut immikkoortinneqarsinnaaneri ajornarunnaarsippaat. Takuneqarsinnaavoq meeqqat inuusuttullu inersimasunik kisermaanik ilaqutaqartut, meeqqanut inersimasunik aappariinnik ilaqutaqartunut sanilliullugit, agguaqatigiissinnerat annertunerpaalluni aningaasaatikillioortut taaneqarsinnaasut.

### 3.5. 2012-imit 2016-imut meeqqat inuusuttullu aningaasaatikillioortut ilaqutariit suussusiinut immikkoortiterlugit

	2012	2013	2014	2015	2016
Amerlassusaat					
Kisermaat .....	329	322	286	332	309
Aappariit .....	142	133	133	129	121
<b>Katillugit</b> .....	<b>471</b>	<b>455</b>	<b>419</b>	<b>461</b>	<b>430</b>
Agguaqatigiissinneri					
Kisermaat .....	9	9	8	10	9
Aappariit .....	2	1	2	2	1
<b>Katillugit</b> .....	<b>4</b>	<b>4</b>	<b>3</b>	<b>4</b>	<b>4</b>

Najoqquataq: <http://bank.stat.gl/SONOU03>

### 3.6. Aningaasaatikillioortut suaassutsinut immikkoortiterlugit

Aningaasaatikillioortut suaassutsinut immikkoortiternerisa takutippaat agguaqatigiissinnerini annertunerpaallutik angutit aningaasaatikillioortut. 15-14-nilli ukiulinni arnat amerlanerupput.

### 3.6. 2016-imi aningaasaatikillioortut ukiuinut suaassutsinullu immikkoortiterlugit

Ukiut .....	Angutit	Arnat	Angutit	Arnat
	Agguaqatigiissinneri		Amerlassusaat	
0-iiit 4-nut .....	6	7	93	96
5-iiit 9-nut .....	4	4	69	49
10-iiit 14-inut .....	2	2	37	33
15-iiit 19-inut .....	5	6	60	63
20-iiit 24-nut .....	5	10	68	132
25-iiit 29-nut .....	8	8	131	108
30-iiit 34-nut .....	6	3	92	48
35-iiit 39-nut .....	5	2	65	33
40-iiit 44-nut .....	3	1	41	8
45-iiit 49-nut .....	3	2	66	31
50-iiit 54-inut .....	3	2	76	36
55-iiit 59-inut .....	3	1	71	21
60-iiit 65-inut .....	2	1	36	10
65-iiit 69-inut .....	0	0	4	1
70-iiit 74-inut .....	1	0	5	0
74-it qummullu .....	0	0	2	2
<b>Katillugit .....</b>	<b>4</b>	<b>3</b>	<b>916</b>	<b>671</b>

Najoqutaq: <http://bank.stat.gl/SONOU01>

#### Signatur forklaring:

- ... Oplysninger foreligger ikke
- .. Oplysninger for usikre til at angives eller diskretionshensyn
- . Tal kan efter sagens natur ikke forekomme
- 0 Mindre end halvdelen af den anvendte enhed
- Nul
- \* Foreløbigt eller anslået tal

Eventuel henvendelse

Anders Blaabjerg

E-mail: [abla@stat.gl](mailto:abla@stat.gl)

Isumaginninnermut tunngasut

Grønlands Statistik  
Postboks 1025 · 3900 Nuuk  
Tlf.: +299 34 57 70 · Fax: +299 34 57 90  
[www.stat.gl](http://www.stat.gl) · e-mail: [stat@stat.gl](mailto:stat@stat.gl)

